



趙城縣志卷三十三

藝文一

諭祭女媧廟文三十道

諭祭中鎮廟文二十三道

諭祭難臣晉大忠文一道



順治八年四月遣官致祭女媧廟文

自古帝王受天明命繼道統而新治統聖賢代起先後  
一揆功德載籍炳如日星朕誕膺天眷紹繼丕基景慕  
前徽圖追芳躅明禋大典亟宜肇隆敬遣專官代將牲  
帛爰修殷薦之誠用展儀型之志伏惟格歆尙其鑒饗

康熙七年四月遣官致祭女媧廟文

自古歷代帝王繼天立極功德並隆治統道統昭垂奕  
世朕受天眷命紹繼丕基庶政方親前徽是景明禋大  
典亟宜肇脩敬遣專官代將牲帛爰昭殷薦之忱聿備

欽崇之禮伏惟格歆尙其鑒饗

康熙十五年二月遣官致祭女媧廟文

自古歷代帝王繼天立極功德並隆治統道統昭垂宇宙朕受天眷命撫御鴻圖懋建元儲前徽是景明禋大典亟宜舉行謹遣專官代將牲帛爰昭殷薦之忱聿備欽崇之禮伏惟格歆尙其鑒饗

康熙二十一年三月遣官致祭女媧廟文

自古帝王受天顯命繼道統而新治統聖賢代起先後一揆成功盛德炳如日星朕誕膺眷佑臨制萬方掃滅

克殘廓清區宇告功古后殷禮肇稱敬遣專官代將牲  
帛爰脩禋祀之誠用展景行之志仰企明靈尙其鑒饗  
康熙二十七年十二月遣官致祭女媧廟文

自古帝王受天明命御厯膺圖時代雖殊而繼治同道  
後先一揆朕承眷佑臨制萬方稽古禮文肅脩祀事茲  
以

祖妣孝莊仁宣誠憲恭懿翊天啟聖文皇后神主升祔  
不廟禮成特遣專官代將牲帛虔脩禋祀之典用抒景行之  
忱仰冀明靈鑒茲誠悃

康熙三十五年正月遣官致祭女媧廟文

自古帝王繼天出治道法兼隆莫不慈惠嘉師覃恩遐  
邇朕勤恤民依永期殷阜邇年以來郡縣水旱間告年  
穀歉登蚤夜孜孜深切軫念用是專官秩祀爲民祈福  
冀靈爽之默贊溥樂利於羣生尙鑒精忱俯垂歆格

康熙三十六年八月遣官致祭女媧廟文

自古帝王受天景命制治綏猷必禁暴除殘以乂安黎  
庶緬懷往烈道實同符朕欽承帝祉臨御九圍茲以狡  
寇跳梁親征漠北蕩滌寇氛廓清邊徼永消兵革以與

普天率土樂育太和敬遣專官代將牲帛昭告古先哲  
后虔脩禋祀式彰安攘之模用展景行之志仰企明靈  
俯垂鑒饗

康熙四十二年四月遣官致祭女媧廟文

自古帝王繼天立極出震承乾莫不道洽寰區仁周遐  
邇朕欽承丕緒撫馭兆民思致時雍常殷惕勵茲歷四  
十餘載今歲適屆五旬宵旰兢兢無敢暇逸漸致民生  
康阜世運昇平頃因淮黃告成親行巡歷再授方畧善  
後是期覩民志之歡欣滋朕心之軫恤遄回鑒馭大沛

恩膏用遣專官敬脩祀典冀默贊邛隆之治益宏仁壽之休尙鑒精忱俯垂昭格

康熙四十二年十一月遣官致祭女媧廟文

朕勤求治理眷念西陲農隙巡行省方問俗適河東之大郡涕古帝之舊陵松柏猶存感懷徃昔惟帝功垂人世名著簡編承皇初泐穆之風啟中古文明之治考稽歲遠瞻企必殷特遣專官用申禋祀神其鑒格尙克來歆

康熙五十二年五月遣官致祭女媧廟文

自古帝王繼天出治建極綏猷莫不澤被生民仁周寔  
宇朕躬膺寶厯仰紹前徽夙夜孜孜不遑暇逸茲御極  
五十餘年適當六旬初屆所幸四方寧謐百姓乂和稼  
穡歲登風雨時若維庶徵之協應爰羣祀之虔脩特遣  
專官式循舊典冀益贊雍熙之運尙永貽仁壽之休俯  
鑒精忱用垂歆格

康熙五十八年二月遣官致祭女媧廟文

自古帝王受天景命建極綏猷垂萬世之經常備一朝  
之典禮朕欽承帝祉臨御九圍夙夜惟寅敬將祀典茲

以

皇妣孝惠仁憲端懿純德順天翼聖章皇后神主升祔

太廟禮成特遣專官代將牲帛用展苾芬之敬聿昭禋祀之

虔仰冀明靈尙其歆格

雍正元年正月遣官致祭女媧廟文

自古帝王繼天出治建極綏猷莫不澤被生民仁周海

宇維我

皇考嶠德鴻勳媲美前古顯謨承烈垂裕後昆朕以渺躬纘

膺大寶當茲嗣位之始宜脩享祀之儀特遣專官虔申

昭告惟冀時和歲稔物阜民安淳風徧洽乎寰區厚德  
長敷於率土尙其歆格鑒此精誠

雍正二年正月遣官致祭女媧廟文

自古帝王體天立極表正萬邦愷澤徧於寰區仁風及  
於奕禩朕丕承大統遙契曩徽茲於雍正元年十一月  
二十五日恭逢

聖祖合天鴻運文武睿哲恭儉寬裕孝敬誠信功德大成仁  
皇帝主配饗

園丘禮成特遣專官虔申昭告惟冀永贊休和之治益昭安

阜之庥鑒此精誠尙其歆格

雍正十三年十二月遣官致祭女媧廟文

禮崇典祀光俎豆於前徽念切景行薦馨香於徃哲維  
帝王繼天建極撫世誠民豐功焜燿於簡編駿烈昭垂  
於宇宙溯典型於在昔凜法監之常存朕以渺躬繼登  
大寶屬膺圖之伊始宜展祀以告虔特遣專官祇遵彝  
典苾芬在列備三獻之隆儀靈爽式憑仰千秋之明德  
尙其歆格永錫鴻禧

乾隆二年七月遣官致祭女媧廟文

自古帝王憲天出治建極綏猷德澤洽於萬方軌範昭  
於百世朕纂承鴻緒景仰前徽茲於乾隆二年四月十  
六日恭逢

世宗敬天昌運建中表正文武英明寬仁信毅大孝至誠憲  
皇帝主配饗

園丘禮成特遣專官虔申昭告惟冀永佑雍熙之盛益昭安  
阜之隆庶鑒精誠尙其歆格

乾隆十四年六月遣官致祭女媧廟文

惟女媧氏繼天建極撫世綏猷教孝莫先於事親治內

必兼於安外典型在望緬懷至德要道之歸景慕維殷  
心希武烈文謨之盛茲以邊徼敕寧中宮攝位

慈寧晉號慶洽神人敬遣專官用申殷薦仰惟歆格永錫鴻  
禧

乾隆十七年正月遣官致祭女媧廟文

惟帝王憲天作極受籙承庥教孝莫先於事親歛福用  
光乎繼治是彝是訓緬維至德要道之歸壽國壽人允  
懷錫類推恩之盛茲以

慈寧萬壽懋舉鴻儀敬晉

徽稱神人慶洽爰申殷薦特遣專官冀鑒茲忱永綏多福

乾隆二十年八月遣官致祭女媧廟文

朕惟帝王建極乘時綏猷馭世制臨無外德威之服遠  
者神教化有原孝道以尊親爲大景典型於在昔實天  
經地義之丕昭宏佑啟於方來惟文治武功之交凜茲  
以平定準噶爾大功告成加上

皇太后徽號神人洽慶中外蒙庥敬遣專官用申禋祀伏惟  
鑒格

乾隆三十四年十二月遣官致祭女媧廟文

朕惟帝王建極綏猷經文緯武誕敷德教仁義備其漸  
摩克詰戎兵聲靈彰其赫濯惟恩威之兼濟先後道本  
同符斯命討之昭垂今古功歸一軌茲以西師克捷回  
部蕩平緬駿烈於前型敷奏其勇遠徂征於絕域通觀  
厥成中外騰歡神人協慶專官肅祀昭鑒惟猷

乾隆二十七年正月遣官致祭女媧廟文

惟帝王本仁祖義明物察倫脩人紀以綏猷則天經而  
立極緬羹墻其可接先後攸同奉俎豆以常新楷模斯  
在茲以